


無上黃籙大齋立成儀卷之二十一

二十一

竹



御製  
 天地定位 陰陽協和 星辰順度 日月昭明  
 寒暑應候 雨暘以時 山嶽靖謐 河海澄清  
 草木蕃庶 魚鼈咸若 家和戶寧 衣食充足  
 禮讓興行 教化修明 風俗敦厚 刑罰不用  
 華夏歸仁 四夷賓服 邦國鞏固 宗社尊安  
 景運隆長 本支萬世 正統十年十月十一日





无上黃籙大齋立成儀卷之二十一 竹一

廣成先生杜光庭集

太上執法仙士蔣叔輿修

科儀門

陞壇轉經儀

夫修黃籙靈寶諸齋每日三時行道轉經晝  
夜六時為弟子闕奏誦念以祈福祉其行道  
消息移時仍別升壇轉經讚道宣行法事一  
如金錄簡文登壇上座誦經威儀如式風雨  
不常及別有法事即行道與轉經相續可矣

陞壇轉經法師冠元始之冠黃裙紫褐五色雲霞之帔是名法服衆官如常服

先衆官具威儀迎法師詣玄師前立班法

師上香

次唱道讚

次華夏讚引升壇如式

次法師升天門上御案香念上香咒

次法師都講各上本位香

次唱三皈依

至心歸依十方道寶當願衆生起心回向一



切信禮

至心歸依十方經寶當願衆生心開悟解受

持念誦

至心歸依十方師寶當願衆生普上法橋無  
有障礙

次唱道場衆等執簡當心平坐如法

次唱讚詠如法

次唱宿命讚

宿命有信然 弱喪謂之無 皆由眼前見

過目即言悠 大賢明道教 慘戚憫頑夫

依依念子苦 勤勤令我憂

次都講啓經

雲篆太虛浩劫之初乍遐乍邇或沉或浮五  
方徘徊一丈之餘天真皇人按筆乃書以演  
洞章次書靈符元始下降真文誕敷昭昭其

竹一

二

有冥冥其無沉痾能自痊塵勞溺可浮幽冥  
將有賴由是升仙都以今奉為齋主某開建  
無上黃籙大齋正薦亡親某乙超昇福境謹  
集見前清衆升壇看誦

太上洞玄靈寶無量度人上品妙經度人上品萬道



之宗香奉大齋所宜轉誦三日正齋要終十  
週法十迴之數如更能別誦生神章諸經尤

也妙回獻三寶上帝十極高真地水職司冥關

主宰三界官屬應感真靈資薦亡靈某等魂

普及九幽囚徒罪與超離苦趣各證生方伏

願飛天下觀上帝遥唱靈音一轉九幽之地

獄停閑隱韻十迴五道之沉魂息對恩流亡

歿澤被見存普及含靈同臻道果為上因緣

稱念

大聖元始天尊太上道君太上老君太上靈

寶天尊尋聲救苦天尊九幽拔罪天尊朱陵

度命天尊法橋大度天尊十方救苦天尊上  
清左玄真人上清右玄真人玄中大法師不  
可思議功德

次唱靜念如法

各思身坐青黃白三色雲氣之中左青龍

竹一

三

右白虎前朱雀後玄武日月五星照映左

右侍經仙官羅列壇內已有圓光如日之

象都畢咽液三過叩齒三通密念開經玄

蘊呪無宗

凡轉靈寶衆經皆當依此存思經文行持



不同者別依本法當於此處默誦文符

寂寂至無宗 虛峙劫仞阿 豁落洞玄文

誰測此幽遐 一入大乘路 孰計年劫多

不生亦不滅 欲生因蓮花 超凌三界途

慈心解世羅 真人無上德 世世為仙家

次吟啓經頌

稽首虛皇天尊前

次唱請轉法輪轉度人經如儀至密

各目想三十二天九色雲氣交脊之中有

宮殿樓觀天帝衣天色衣冕服一一分明



即存神自太皇天爲始先叩齒一通心拜  
一過訖次第第二太明天三十二過畢即閉  
目靜思三丹田出玄元始青黃白三色雲  
氣如絲漸漸離身雲氣濃厚先交絡一身  
次纏映坐所及几案經席無不周遍翳鬱

旋遶一壇然後出外圍布一方良久冥合  
天地次存青龍出肝立左白虎出肺立右  
朱雀出心立前玄武出腎立後獅子出脾  
下丹田十二隻列於左右白鶴白泥丸出  
九隻圍列四向方寸眉後六合宮中有日



月出自二目去面九寸光照壇內洞徹煥

明方始密呪勿心密言之今耳聞

無上玄元太上道君召出臣身中三五功曹

左右官使者侍香金童傳言玉女五帝直符

直日香官各三十二人關啓所言臣等奉為

具官某正為亡親某乙修建無上黃籙大齋

以今陞壇轉經用資超度願所啓上徹逕御

無上三十二天元始上帝至尊几前

畢鼻引東方八天青炁八過入肝南方八

天赤炁八過入心西方八天白炁八過入



肺北方八天玄炁八過入腎然後誦經誦

經畢次吟解座贊青炁八過入報南玄人

為諸來生作善因緣如蒙開悟仰荷玄恩

贊畢眾官起立都講嘆經所答土婦聖時

詳夫三洞寶經乃萬天勝範結飛玄之炁成

雲篆之章義冠無生文垂末劫故天地得之

以分判日月因之以運行鬼神敬之以變通

人倫奉之以開度是以詠之者則形陟絳霄

聞之者則神生碧落莫不人天仰賴生死依

憑為羣品之津梁作眾真之戶牖魏魏大範



讚嘆莫窮今弟子某開建黃籙大齋九時行  
道六上轉經願仗真乘超凌亡爽上資  
家國下祐見存爾者開函演奧即響徹三天  
執卷吟玄乃聲聞五億當願侍香金媛結香  
字於天中典經王郎進經文於簡上竹一即仗五愆  
消昔劫福降今辰存亡荷開泰之恩動植悅  
生成之德以茲勝善徧悉裝嚴三途罷楚毒  
之勞九夜絕酸辛之苦泊乎悠悠庶品蠢蠢  
含生俱乘六度之舟並達三清之岸

聞經  
次唱三聞經

西果  
萬劫  
善美  
斷身



聞經已後當願羣生萬罪蕩除善芽增長  
聞經已後當願羣生深入法門歸依信受  
聞經已後當願羣生永斷執迷常修至道  
主法師叩齒三通咽液三過存三素元君在  
前金華宮如嬰兒之狀次旋行

誦太上智慧經讚

太上玄虛宗 弘道尊其經 俯仰以得仙  
歷劫無數齡 巍巍太真德 寂寂因無生  
霄景結空構 乘虛自然征 日月為炳灼  
安和樂未央



學仙絕華念

念念相因積

去來亂我神

神躁靡不歷

滅念停虛閑

蕭蕭入空寂

請經若饑渴

持志如金石

保子飛玄路

五靈度符籍

故能解三羅

清齋禮太素

濟我六度行

逍遙金闕內

玉京為余家

吐納養雲芽

人人坐蓮花

仰嚼玄都柰

自然生七寶

容顏曜十日

奚計年劫多

俯酣空洞瓜

鳴鍾徵大魔

太真撫雲璈

法鼓會天仙

燦爛開繁衿

靈風扇香花

靈風扇香花

太真撫雲璈

衆仙彈靈琴

雅歌三天上

散慧玉華林

七祖昇福堂

由此步玄音

前世德未足

斯書邈難尋

信道情不盡

圖飛乃反沉

太上無為道

弘之在兆心

學道由丹信

奉師如至親

挹景偶清虛

孳孳隨日新

竹一

衆人未得度

六

終不度我身

大願有重報

玄德必信然

陰惡罪至深

對來若轉輪

學道亦甚苦

晨夜建福田

種德猶植樹

積篲而成山

子能耽玄尚

飄爾昇青天



修是無為道

當與善結緣

太上至隱書

名曰智慧篇

拔苦由大才

超俗以得仙

靈姿世所恃

曄若淵中蓮

人行各有本

皆由宿世功

立德務及時

發願莫不從

善惡俱待對

倚伏理難窮

賢士奉法言

道亦在嘿忘

解是大智慧

上為太極公

寶蓋連玉輿

命駕御九龍

金華擎洞經

捧香悉仙童

嘯歌徹玄都

鳴玉扣瑤鍾

竦身凌太清

超景逸紫霄

保無持法綱

遊玄極逍遙

萬劫猶昨夜

千春如晨朝 魏峩蔭雲華 手攀寶林條

香烟自然生 玄階興扶搖 靈旛順風散

繁想應時銷 滅智弘大混 無為為清謠

次吟學仙頌出堂至玄師前回向

太極左仙公曰真頌八篇皆太上太極真人

竹一

之辭衆仙所耽誦不宣泄於下世祕藏金闕

玉房之內宜傳至人修靈寶齋也不可示浮

華之徒謹之哉謹之哉

太極真人曰侍經仙童玉女聞此禮經讚詠

之音皆懽悅而祐兆身也是大經悉當用此



讚而禮拜矣若真心誦經者亦詠之乃上仙  
之辭修真之妙旨也

出靈寶玄都  
玉京南經

天尊曰經者吾遺教導引愚迷能發衆生無  
量道意意從悟起因悟成真衆聖修行皆登  
道果故元始以一炁生化三炁分爲三天一曰

始炁爲清微天號玉清境天寶君所化吾以  
龍漢之初號無形天尊於此天中出洞真寶  
經十二部以教天中九聖或號萬天玄師無  
上法王經九萬九千九百九十九億歲二曰  
元炁爲禹餘天號上清境靈寶君所化吾以

延康之初號無名天尊於此天中出洞玄寶  
經十二部以教天中九真或號三界醫王太  
上真尊經八萬八千八百八十八億萬歲三  
曰玄炁爲大赤天號太清境神寶君所化吾  
以赤明之初號梵形天尊亦稱觀世真人出  
洞神寶經十二部以教天中九仙或號十方  
導師至極天尊經七萬七千七百七十七億  
萬歲開皇改號吾號虛皇理元陽中敷揚三  
洞下化人間號太上道君經六萬六千六百  
六十六億萬歲逮至上皇吾總號元始理紫



微宮中廣布經戒救度羣生三洞經寶凡三  
十六部亦曰三乘洞真寶經謂之大乘洞玄  
靈寶經謂之中乘洞神寶經謂之小乘結飛  
玄之炁自然成章玉字金書龍章鳳篆大方  
一丈八角垂芒教化諸天流通世界始終歷

竹一

劫常轉法輪或實或權有廣有畧因機取悟  
隨世修行雖天地運終而三洞不滅開度羣  
品導引人天三界十方俱受利益其後每劫  
之初洞真下化人懷道德共處無爲悉奉至  
真長生得道次則洞玄下化人物漸漓朴散

澆淳失道叛德末則洞神下化人物轉更澆  
浮不奉正真年命短促自是之後人心破壞  
三洞不行智慧日與人鬼交雜運度促急不  
滿百年念念無常死生不絕吾故重出宣行  
三洞布化人間隨代機緣敷弘經教或大或  
小順物所宜故元始本文未盡下教其三清  
上境四梵天中真聖修行具足山川洞府海  
嶽仙宮雖有所修亦不具足謂隨方所修之  
經三洞不得備  
也故命老子託化人間救度衆生演出科戒  
或夷或夏或聖或凡周遍十方悉令開度三



洞妙法散在人間勸誘男女使勤修習凡夫  
積罪業累沉迷於道無緣不能信奉唯從偽  
法諸雜邪神徒竭身心終歸地獄其信行三  
洞悉入福堂或白日升舉尸解遁形隱迹洞  
官遊行世界長生變號永劫長存練氣易形  
轉神入道人莫能識無量無邊吾過去後魔  
教轉興天下同遵人民夭折兵戈水火疾病  
死傷國破家亡朝夕相繼竭其府庫以奉妖  
邪偽亂日興澆訛時扇饑寒苦惱父子流移  
天下愚迷未無悟矣吾念爾輩積劫沉淪說

是要言以示聾瞽然三洞妙法法有一種一  
者真法二者化法真法者離諸虛妄永劫長  
存化法者文字流通隨時變滅化法之中凡  
有五種一者結飛玄之炁雲篆成章離合自  
然變見不測在三清上境常住鎮經億劫長  
存聖真持護二者靈書一丈八角煥明在三  
界十方諸天五億隨劫升降應感流轉三者  
諸天宮殿樓閣臺房門戶之間書題詠誦制  
伏人物出入修行四者花文葉字玉札瓊編  
方丈蓬萊閻風玄圃乍隱乍顯隨劫存亡教



習神仙伏諸魔鬼五者紙墨縑素竹木漆書  
散在人間流傳誦詠劫初即下劫末還升保  
國安人開度羣品經者元始之言教化衆生  
使識根源本始宿命因緣罪福報對善惡吉  
凶生化門戶方便所由改惡從善保安性命

長生無爲歸之於道永劫執模保之者福降

修之者神仙矣

出業報  
因緣經

太上道君謂三天法師曰天尊教戒三洞妙  
文天書玉字雲篆龍章雖復無邊總括條疏  
唯十二事部類分別隨根不同一者自然本

文二者神符三者寶訣四者靈圖五者譜錄  
六者戒律七者威儀八者方法九者術數十  
者記傳十一者讚誦十二者章表自然本文  
天書八會鳳篆龍章是爲天地萬物之本開  
化人神成立諸法主召九天神仙上帝校定  
圖錄調正璇璣攝制竹一豐都降伏魔鬼勅命水  
帝召龍上雲天地劫期聖真名諱所治城臺  
衆真境界廣宣分別種種降差服御元精化  
形之法神符者雲篆之文神真之信召攝衆  
魔威制神鬼總元御運保命流年寶訣者天



真上聖述釋天書八會之字以爲正音開示  
大道靈圖者衆聖化迹應見無方圖寫變通  
令總悟解譜錄者衆聖記述仙真名諱宗本  
胄胤神宮位緒戒律者條制勅約防非檢過  
詮量罪福分別重輕威儀者具示齋戒進退  
楷模俯仰節度軌式容止方法者衆聖著述  
丹藥祕要神草靈芝柔金水玉修養之道術  
數者明辯思神存真念道心齋坐忘遊空飛  
步餐吸六炁導引三光鍊質化形仙度之法  
記傳者是諸衆聖載述學業得道成真通玄

八妙修因方所證果時節讚詠者衆真大聖  
功飾法言稱揚正道令總信樂發起回向生  
尊重心章表者師資傳授妙寶竒文登壇告  
盟啓誓傳度悔謝請福關告之辭此十二辭  
統統衆法一切意趣無不備周化引三乘入

一乘道

出本  
附經

三洞真經帙品目

洞真寶經十二部

凡二十三篇  
三百八十卷

太上部第一

妙林部第二

太清部第三

徹視部第四



上清部第五

開元部第六

元陽部第七

妙真部第八

開山部第九

十仙部第十

玉林部第十一

黃老部第十二

洞玄寶經十二部

凡八十萬四千卷

靈和部第一

靈寶部第二

通神部第三

無量部第四

集仙部第五

內秘部第六

真志部第七

集善部第八

鍊精部第九

生尸部第十

官圖部第十一 鍊摩部第十二

洞神寶經十二部 凡八十四卷

太真部第一 至德部第二

黃庭部第三 鍊氣部第四

道德部第五 元神部第六

大劫部第七 內簡部第八

神呪部第九 三皇部第十

按摩部第十一 小劫部第十二

右三洞三十六部共一百七十八萬六

千三百八十卷



歷代聖人神仙所受經

玄中大經 上三

太素經 中三

二十八萬六

開元經 中三

金闕秘經 下三

攝提本經 程三

元陽經 伏羲

元精經 神農

安神經 祝融

道德經 黃帝

微言經 顓帝

天元經 天老

黃庭經 帝馨

玄德經 帝堯

政事離合經 帝堯

德戒經 夏禹

長生經 殷湯

赤精經 文王

虛无經 武王

八天隱文經 昭王

出塞經 以下六經並尹喜受

西昇經 夏竦

元陽經

道德經 帝堯

內解經 合孫

九室經 帝堯

衛生經 南榮

六甲經 宋王

鬼林經 始皇

太平經 千言

王訣九千篇 以下四品張天師受

符圖七千章

神呪四十首

科律教戒一千二百卷

新科一百二十卷 寇謙之

右諸經並老君授



三一經 黃帝

龍躡經 黃帝

右二經天真皇人授

上清經四十六卷 漢武帝

右西王母授

上清經三十二卷 魏夫人

右王君授

上清經七卷 仙人李順興

右三真人授

上清經四卷 仙人

右三茅真人授

十三

靈寶經十六卷

葛仙翁

右三真人授

靈寶經十四卷

抱朴子

右太極真人授

道德章句二卷

漢武帝

右河上公授

粵自三古已降迄于巨唐寶軸靈文或隱或見出於史策或著在別傳至宋朝簡寂先生校讎之際述珠囊經目萬八千卷其後江表干戈秦中兵革真經祕策流散者多後周武



帝立通玄觀收集衆經猶及萬卷洎隋火版  
蕩唐土龍興翦掃氛妖底定寰宇至開元之  
歲經訣方興玄宗著瓊網經目凡七千三百  
卷復有玉諱別日記傳疏論相兼九千餘卷  
尋至二胡猾夏正教凌遲兩京祕藏多遇焚

燒上元年中所收經籙六千餘卷至大曆年  
申甫先生海內搜訪京師繕寫又及七千卷  
長慶之後咸通之間兩街所寫纔五千三百  
卷近屬巨寇凌犯大駕南巡兩都烟煤六合  
榛棘真宮道宇所在凋零玉笈琅函十無三

二余屬茲艱會漂寓成都扈蹕還京淹留未  
幾再為搜訪備涉艱難新舊經誥僅三千卷  
未獲編次又屬省方所得之經尋亦亡墜重  
遊三蜀更欲搜訪累阻兵鋒未就前志時大  
順二年辛亥八月初三日庚辰成都玉局化

竹一

十四

閱省科教聊紀云爾杜光庭述

无上黃籙大齋立成儀卷之二十一

藏



